

〔續日本紀^{聖十六}〕天平十七年十月辛亥、河內國司言、右京人尾張王、於部內古市郡古市里田家庭中、得白龜一頭、長九分闊七分、兩目並赤、十八年三月己未、勅曰、朕君臨四海、憂勞兆民、未致隆平、稍有慙德、粵得治部卿從四位上石上朝臣乙麻呂等奏、備正五位下河內國守大伴宿禰古慈、斐解備於所部古市郡內、右京人尾張王獲白龜一頭、長闊短小、形象異常者、謹檢瑞圖及援神契云、王者德澤洽則神龜來、孝道行則地龜出、實合大瑞者、斯蓋乾坤垂福、宗社降靈、河洛呈祥、幽明協度、祇對天貺、喜懼交懷、孤以薄德、何堪忝受、百官共悅、良當朕意、宜天下六位以下皆加一級、孝子順孫、義夫節婦、及力田者二級、唯正六位上免當戶、今年租、其進龜人、特叙從五位下、賜物准例、出龜郡者、免今年租調、

〔續日本紀^{稱十八}〕天平勝寶四年正月己卯朔、太宰府獻白龜、

〔續日本紀^{稱十九}〕天平勝寶五年十一月己亥、尾張國獻白龜、

〔續日本紀^{孝二十九}〕神護景雲二年九月辛巳、勅、中略同月[○]七十一日、得肥後國葦北郡人刑部廣瀨女

日向國宮崎郡人、大伴人益所獻白龜、赤眼青馬白髮尾、並付所司、令勘圖牒、奏備、中略史記曰、神龜者

天下之寶也、與物變化、四時變色、居而自匿、伏而不食、春蒼夏赤、秋白冬黑、熊氏瑞應圖曰、王者不偏不

黨、尊用耆老、不失故舊、德澤流洽、則靈龜出、○中略仍勘瑞式、○中略靈龜神馬、並合大瑞、朕以菲薄、頻荷鴻

貺、思順先曲、式覃惠澤、宜免肥後日向兩國今年之庸、但瑞出郡者、特免調庸、大伴人益、刑部廣瀨女、並

授從八位下、賜絕各十匹、綿廿屯、布三十端、正稅一千束、○中略又父子之際、同心天性、恩賞所被、事須同

沐、人益父村上者、○者恐有誤恕似緣黨、宜於入京、

〔續日本紀^{光仁}〕寶龜元年十月己丑朔、即天皇位於大極殿、改元寶龜、○中略詔、今年八月五日、肥後國

葦北郡人日奉部廣主、賣獻白龜、又同月十七日、同國益城郡人山稻主、獻白龜、此則並合大瑞、故天地

貺大瑞者、受被賜歡、受被賜可貴物、○爾在是以改神護景雲四年、為寶龜元年、○下略

〔續日本紀^{光仁}〕寶龜三年十月戊午、肥後國葦北郡家部島吉、八代郡高分部福那、○那原作那、據一本改、理各